

برنامج 3 دقائق _ الحلقة السادسة عشر (نصيحتي في الدعاء) م/

علاء حامد

علاء حامد

الحمد لله والصلاة والسلام على رسول الله وبعد لما تيجي تنصح بعض الشباب آآ ان هو يجتهد شوية في الدعاء آآ طول شوية في السجود يعني شد حيلك في الدعاء. يقول لك اصل انا مش بعرف ادعي انا - 00:00:00

ما بعرفش ادعي اقول ايه. الحقيقة الاجابة دي غريبة جدا. غريبة جدا. لان المفترض ان اسهل حاجة الدعاء. النبي عليه الصلاة والسلام قال ابخل الناس من بخل سلام. واعجز الناس من عجز عن الدعاء. يعني اللي ما بيعرفش يدعي ده يعني يعني عاجز مشلول ده ده الدعاء ده اسهل حاجة. بس انا اقول لك ايه - 00:00:24

المشكلة ان الشاب ده بيصلي في رمضان ورا امام كويس. والامام ده بيحي يدعي بقى ادعية جميلة جدا ويطول وسجع ويجب من دماغه الف فهو ترسخ في دماغه ان هو ده الدعاء. وانا لو ما عملتش زي الراجل ده يبقى انا ما بعرفش ادعي. وده هو المفهوم الغلط. لان الصحابي جه للنبي عليه الصلاة والسلام - 00:00:44

كان برضه نفس الحالة ديت. لقي معاز بيطول في الصلاة ومش عارف معاز بيقول ايه ومش عارف يقول زيه. فجه للنبي عليه الصلاة والسلام قال له انت بتصلي ازاى؟ قال انا لا احسن دندنة - 00:01:04

ولا دندنة معاز. انا ما بعرفش اقول زيكم واقعد اطول كده. قال له طب انت بتقول ايه في الصلاة؟ قال اما انا فاني اسأل الله الجنة. واستعيز به من النار. قال له واصدق حوله - 00:01:14

ندندن. ما هو كل اللي انا ومعاز بنقوله هو حوالين الايه؟ حوالين الدعوتين الحلوين بتوعك دول. والنبي عليه الصلاة والسلام كان اكثر دعاؤه كما يقول انس ربنا في الدنيا حسنة وفي الآخرة حسنة وقنا عذاب النار. انا بسأل الشاب الجميل دوت انت ما تقدرش تقول في الصلاة. اللهم اني اسألك الجنة واعوذ بك من النار - 00:01:24

اللهم ربنا اتنا في الدنيا حسنة وفي الآخرة حسنة وقنا عذاب النار. اقعد قلمهم ساعتين ثلاثة عادي كويس كفاية المشكلة بقى ان هو يجي بعد كده يقول لك طيب جميل بس انا عايز اطلب من ربنا حاجات هو ما اعرفش اعبر ازاى يعني انا عايز اقول حاجات عايز اطلبها بس مش عارف اقول لربنا ازاى ما بعرفش اقول اقول لك اريح - 00:01:44

خالص ما تقولوش انت عايز ايه خالص. لان ربنا اصلا يعرف انت عايز ايه اكثر منك. وهيدي لك اللي انت طلبته واحسن منه لو كان فيه خير لك. بس انت ممكن بدل ما تقول طلباتك وتقعد تحدد قل ادعية اجمالية تشمل كل الطلبات. احفز الدعائين دول وكفاية عليك - 00:02:04

النبي عليه الصلاة والسلام كان يقول يا حي يا قيوم برحمتك استغيث. اصلح لي شأني كله ولا تكن لي الى نفسي طرفة عين ابدًا وكان يقول اللهم اني اسألك من الخير كله. عاجله واجله ما علمت منه وما لم اعلم. واعوذ بك من الشر كله - 00:02:25

عاجله واجله ما علمت منه وما لم اعلم. سهل جدا اربع ادعية اهو انت علمناهم النهاردة يكفوك كل حاجة. لو ما حفزتش الا دول وقعدت تدعي بهم كل صلواتك وكل سجودك هذا يكفيك باذن الله تعالى ما تقوليش ثاني مش عارف ادعي ما تقوليش ثاني مش عارف اعبر عن اللي جوايا لربنا - 00:02:45

ربنا يتقبل دعائنا ودعائكم. السلام عليكم ورحمة الله - 00:03:05